



Aðildarfélög KSÍ
b.t. formanna/framkvæmdastjóra

Reykjavík, 25. mars 2022

**Reglugerð KSÍ um knattspyrnumót.
Reglugerð KSÍ um aðgönguskírteini.**

Ágætu félagar.

Á fundi stjórnar KSÍ þann 24. mars. samþykkti stjórn eftirfarandi breytingar á reglugerðum KSÍ:

Reglugerð KSÍ um knattspyrnumót:

- Breytt keppnisfyrirkomulag í efstu deild karla.
- Bráðabirgðaákvæði um skipan 4., 5. og utandeildar karla keppnistímabilið 2023.
- Breytt fyrirkomulag varðandi hlutgengi í 2. aldursflokki kvenna.

Reglugerð KSÍ um aðgönguskírteini:

- Breyting á heiti efstu deilda.

Hér að aftan er að finna yfirlit og samantekt yfir breytingarnar.

Breytingar sem samþykktar hafa verið eru **grænmerktar**.
Það sem samþykkt hefur verið að falli út er ~~yfirstrikað~~.

**REGLUGERÐ KSÍ
um knattspyrnumót**

*23.gr.
Meistaraflokkur karla*

Leiktími: 90 mín. (2 x 45 mín.)

Leikhlé: 10 mín.

Framlenging: 30 mín. (2 x 15 mín.)

Leikmannaskipti: Heimilt að setja 3 varamenn inn á í leik. Í 2., 3. og 4. deild er heimilt að setja fimm varamenn inn á í leik. 1 viðbótarskipting er heimiluð í framlengingu.

Stærð knattar: 5

Heimalið eða framkvæmdaraðili leiks skal leggja til 7 eins knetti í leikjum í efsta deild karla, aðalkeppni bikarkeppni KSÍ og meistarakeppni KSÍ, en 3 í öðrum leikjum. Allir knettirnir eru jafngildir. Skiptiknöttur skal vera aftan við hvort mark og tveir við hvora hliðarlínu, þar sem við á, í umsjón boltakrakka, sem heimalið eða framkvæmdaraðili leiks skipa. Boltakrakkar skulu auðkenndir og fjöldi þeirra ekki vera færri en átta þar sem 7 knettir eru notaðir.

23.1 Íslandsmót

- 23.1.1 Íslandsmóti meistaraflokks karla skal þáttökuliðum skipt í 5 deildir, efsta deild skal skipuð 12 liðum, 1. deild 12 liðum, 2. deild 12 liðum, 3. deild 12 liðum og 4. deild öðrum liðum. Stjórn KSÍ ákveður á hverju ári hvert skuli vera nafn viðkomandi deildar.
- 23.1.2 Tvö neðstu liðin í efstu deild færast næsta leikár niður í 1. deild og tvö efstu liðin í 1. deild færast næsta leikár upp í efstu deild.
- 23.1.3 Tvö neðstu liðin í 1. deild færast næsta leikár niður í 2. deild og tvö efstu liðin í 2. deild færast næsta leikár upp í 1. deild.
- 23.1.4 Tvö neðstu liðin í 2. deild færast næsta leikár niður í 3. deild og tvö efstu liðin í 3. deild færast næsta leikár upp í 2. deild.
- 23.1.5 Tvö neðstu liðin í 3. deild færast næsta leikár niður í 4. deild og tvö efstu liðin í 4. deild færast næsta leikár upp í 3. deild.
- 23.1.6 Stjórn KSÍ skal ákveða keppnisfyrirkomulag í 4. deild þegar þátttaka liggur fyrir. Fyrst skal fara fram riðlakeppni og síðan úrslitakeppni um sæti í 3. deild. Við skiptingu í riðla er mótanefnd heimilt að taka tillit til styrkleika liða, svæða og ferðakostnaðar.
- 23.1.7 Í öllum deildum, **að efstu deild karla undanskilinni**, er leikin tvöföld umferð **þar sem leikið er heima og heiman** og leikur hvert lið tvo leiki gegn hverju hinna liðanna, ~~heima og heiman~~. Keppnin er stigakeppni. Heimilt er í 4. deild að víkja frá þessu ákvæði. **Í efstu deild karla er leikið í tveimur hlutum. Í fyrri hluta er leikin tvöföld umferð þar sem leikið er heima og heiman. Í síðari hluta er annars vegar leikin einföld umferð á milli þeirra sex liða sem sitja í sex efstu sætum deildarinnar að fyrri hluta loknum og hins vegar er leikin einföld umferð á milli þeirra sex liða sem sitja í sex neðstu sætum deildarinnar að fyrri hluta loknum. Þau stig sem lið hafa unnið sér inn að loknum fyrri hluta færast með inn í síðari hluta. Í síðari hluta skal leikið eftir eftirfarandi töluröð:**
- Efri hluti:
- | | | | |
|-----------|-----|-----|-----|
| 1. umferð | 1-6 | 3-5 | 2-4 |
| 2. umferð | 6-2 | 3-1 | 5-4 |
| 3. umferð | 1-5 | 2-3 | 4-6 |
| 4. umferð | 4-1 | 2-5 | 6-3 |
| 5. umferð | 1-2 | 3-4 | 5-6 |
- Neðri hluti:
- | | | | |
|-----------|------|------|-------|
| 1. umferð | 7-12 | 9-11 | 8-10 |
| 2. umferð | 12-8 | 9-7 | 11-10 |
| 3. umferð | 7-11 | 8-9 | 10-12 |
| 4. umferð | 10-7 | 8-11 | 12-9 |
| 5. umferð | 7-8 | 9-10 | 11-12 |
- 23.1.8 Við niðurröðun leikja skal miða við að hvert lið leiki einn leik í viku en mótanefnd getur þó raðað þéttar niður.
- 23.1.9 Mótanefnd skal að öllu jöfnu raða leikjum í síðustu umferð **fyrri og síðari hluta** í efstu deildar á sama tíma. Sama gildir um síðustu umferð í 1. deild karla. Leikir í síðustu umferð deilda, sem geta haft úrslitaáhrif á stöðu liða í efstu sætum (rétt til þátttöku í Evrópukeppni), skulu ávallt fara fram á sama tíma nema óviðráðanlegar aðstæður (t.d. veður) valdi að því verði ekki við komið að mati mótanefndar. Sama á við um leiki, sem geta haft úrslitaáhrif á fall úr deild. Liði, sem ferðast til leiks í þessum umferðum, er óheimilt að treysta á flug á leikdegi og skal nota annan ferðamáta til að komast á leikstað á réttum tíma.
- 23.1.10 Lögð skal áhersla á að leikir fari fram á völlum með grasi eða knattspyrnugrasi. Sé leikið á malarvelli (2., 3. eða 4. deild) skal framkvæmdaraðili leiks (heimalið) tilkynna aðkomuliði um það með sólarhrings fyrirvara.

- 23.1.11 Ef lið dregur sig úr eða er vísað úr keppni, má það hefja þátttöku í 4. deild á næsta leikári. Ef um er að ræða lið í efstu deild, 1., 2. eða 3. deild, skal almenna reglan vera að liðið í 3. sæti næstu deildar fyrir neðan flytjast upp um deild. Ef slíkt er afleiðing þess að þáttökuleyfi hefur ekki verið veitt eða dregið til baka samkvæmt leyfiskerfi KSÍ, skal þó farið eftir næstu grein, 23.1.12.
- 23.1.12 Ef félag fær ekki viðeigandi stig af þáttökuleyfi í hefðbundnu umsóknarferli skv. leyfiskerfi KSÍ skal fara með flutning liða milli deilda og þátttöku þeirra í Íslandsmótinu samkvæmt eftirfarandi:
- Leyfisumsækjandi í efstu deild, sem ekki hlýtur þáttökuleyfi, skal leika í 1. deild á leyfistímabilinu/keppnistímabilinu ef hann uppfyllir skilyrði til þáttökuleyfis í 1. deild, en ella taka sæti í 2. deild. Leyfisumsækjandi í 1. deild, sem ekki hlýtur þáttökuleyfi, skal leika í 2. deild á keppnistímabilinu.
 - Ef sæti losnar í efstu deild vegna þess að umsókn um þáttökuleyfi var hafnað skal liðið, sem féll úr deildinni árið áður og var í næstneðsta sæti, taka lausa sætið ef það uppfyllir skilyrði til þáttökuleyfis í efstu deild á leyfistímabilinu, ella liðið sem varð í neðsta sæti, og síðan liðið sem varð í 3. sæti í 1. deild, o.s.frv.
 - Ef sæti losnar í 1. deild vegna þess að umsókn um þáttökuleyfi var hafnað skal liðið sem féll úr deildinni árið áður og var í næstneðsta sæti, taka lausa sætið ef það uppfyllir skilyrði til þáttökuleyfis í 1. deild, ella liðið sem varð í neðsta sæti, og síðan liðið sem varð í 3. sæti í 2. deild, o.s.frv.
- 23.1.13 Heimalið greiðir kostnað vegna framkvæmdar leiks. Það félag, sem ferðast til leiks greiðir sjálft ferða- og upphaldskostnað leikmanna sinna. Hafi félag ferðast til leiks, sem síðan er aflýst, án þess að unnt hafi verið að tilkynna félaginu það áður en ferðin hófst, á félagið rétt á greiðslu helmings ferðakostnaðar fyrir 18 manns (þar sem það á við), enda hafi ferðin hafist á eðlilegum tíma. Þetta gildir einnig þegar dómari verður að slíta leik og hann þarf að fara fram að nýju. Hafi leiknum verið aflýst með meira en 24 stunda fyrirvara á aðkomulið ekki rétt á greiðslu helmings ferðakostnaðar. Mótanefnd KSÍ sker úr ágreiningi um ferðakostnaðinn.
- 23.1.14 Tekjur af seldum aðgöngumiðum skulu renna til heimaliðs, en tekjur af útvarpi og sjónvarpi skiptist milli leikaðila. Við aðgöngumiðasölu skal skylt að nota númeraða miða. Stjórn KSÍ getur ákveðið lágmarksverð aðgöngumiða.

Ákvæði til bráðabirgða keppnistímabilið 2022:

Keppnistímabilið 2023 skal 4. deild karla skipuð eftirfarandi liðum:

- Þeim félögum sem falla úr 3. deild karla 2022.*
- Öllum þeim félögum sem lenda í 1. og 2. sæti í riðlakeppni 4. deildar 2022, að frádregnum félögunum tveimur sem flytjast í 3. deild keppnistímabilið 2023.*

Keppnistímabilið 2023 skal 5. deild karla skipuð eftirfarandi liðum:

- Öllum þeim félögum sem lenda í 3. sæti í A, B, C, D og E riðli 4. deildar 2022 (5 félög).*
- Öllum þeim félögum sem lenda í sætum 4, 5 og 6 í A, B og C riðlum 4. deildar 2022 (9 félög).*
- Þeim tveimur félögum sem bera sigur úr bítum í eftirfarandi:*
 - Umspili þeirra félaga sem lenda í 4. sæti D riðils og 5. sæti E riðils 4. deildar 2022.*
 - Umspili þeirra félaga sem lenda í 4. sæti E riðils og 5. sæti D riðils 4. deildar 2022.*
 - Leika skal tvo leiki, heima og heiman. Þar mætast:*

<i>Fyrri leikur:</i>	<i>E5 – D4</i>	<i>D5 – E4</i>
<i>Seinni leikur:</i>	<i>D4 – E5</i>	<i>E4 – D5</i>

Í Utandeild KSÍ keppnistímabilið 2023 leika þau félög sem ekki eiga sæti í efri deildum.

23.4 Samningsskylda

- 23.4.1 Allir leikmenn sem taka þátt í Íslandsmóti og/eða bikarkeppni KSÍ í ~~opinberum~~ knattspyrnuleikjum á tímabilinu 1. maí til 15. október í meistaraflokki með félagi sem á sæti í

efstu deild karla skulu vera á samningi samkvæmt reglugerð KSÍ um félagaskipti, samninga og stöðu leikmanna og félaga. Leikmenn 2. aldursflokks eða yngri eru undanskildir ákvæði þessu.

23.4.2 Noti félag leikmann sem hefur keppnisleyfi en uppfyllir ekki skilyrði greinar 23.4.1 skal félaginu gefinn frestur til að gera nauðsynlegar úrbætur. Að öðrum kosti skal málinu vísað til aga- og úrskurðarnefndar KSÍ sem skal beita sektum eða eftir atvikum útilokun leikmannsins frá keppni þar til úrbætur hafa verið gerðar.

30.gr.

2. flokkur kvenna

11 MANNA LIÐ

Aldur: 19 ára á almanaksárinu og yngri. *Ákvæði til bráðabirgða keppnistímabilið 2022: Allir leikmenn sem eru 20 ára á almanaksárinu eru hlutgengir í 2. aldursflokki kvenna keppnistímabilið 2022 og teljast ekki til þeirra fjögurra eldri leikmanna sem heimilt er að nota.*

Heimilt er að hafa þrjá fjóra eldri leikmenn í hverjum leik í 2. aldursflokki kvenna, sem eru 20–22 ára á almanaksárinu og léku ekki sem hófu ekki leik með meistaraflokki félagsins í næsta leik á undan.

Leiktími: 90 mín. (2 x 45 mín.)

Leikhlé: 10 mín.

Framlenging: 30 mín. (2 x 15 mín.)

Leikmannaskipti: Heimilt er að skipta öllum varamönnum inn á í hverjum leik með þeirri takmörkun að hverju liði er aðeins heimilt að nota að hámarki þrjár leikstöðvanir til leikmannaskipta í síðari hálfleik. Þegar um framlengingu er að ræða er hverju liði heimilt að nota eina leikstöðvun til viðbótar til leikmannaskipta en einnig má nýta hlé fyrir upphaf framlengingar og hálfleik framlengingar til leikmannaskipta.

Stærð knattar: 5.

Greinargerð/Samantekt:

Ofangreindar breytingar fela í sér að keppnistímabilið 2022 verði keppnisfyrirkomulagi breytt í efstu deild karla í samræmi við þá þingsályktunartillögu sem samþykkt var á ársþingi KSÍ 2022, þ.e. að í efstu deild karla verði leikið í tveimur hlutum, annars vegar tvöföld umferð í fyrri hluta og hins vegar einföld umferð á milli þeirra sex liða sem sitja í sex efstu sætum deildarinnar að fyrri hluta loknum og þeirra sex liða sem sitja í sex neðstu sætum deildarinnar að fyrri hluta loknum.

Þá er með ofangreindum breytingum fest í reglugerð í bráðabirgðaákvæði hvernig skipan 4., 5. og utandeildar karla verður keppnistímabilið 2023, en á ársþingi KSÍ 2023 var samþykkt annars vegar breyting á lögum KSÍ sem felur í sér fjölgun deilda í Íslandsmóti í meistaraflokki karla og hins vegar breytt keppnisfyrirkomulag í neðri deildum karla frá og með keppnistímabilinu 2023.

Þá er gerð breyting á orðalagi í ákvæði 23.4.1 um samningsskyldu í efstu deild í ljósi lengingar keppnistímabils.

Með ofangreindum breytingum er hlutgengi í 2. aldursflokki kvenna einnig breytt. Í breytingunum felst að í keppni í 2. flokki kvenna verði heimilt að leika fjórum eldri leikmönnum í hverjum leik í stað þriggja, eins og áður var, auk þess sem aldurstakmörk eldri leikmanna eru afnumin, en áður var miðað við 20–22 ára viðmið. Þá fela breytingarnar einnig í sér að aðeins leikmenn sem byrjuðu næsta meistaraflokksleik á undan teljast ekki hlutgengir, en fyrir breytingu voru allir leikmenn sem tóku þátt í næsta meistaraflokksleik á undan ekki hlutgengir. Framangreindu til viðbótar er með breytingunni sett í reglugerð bráðabirgðaákvæði vegna keppnistímabilsins 2022 um að allir leikmenn sem eru 20 ára á almanaksárinu teljist hlutgengir í 2. aldursflokki kvenna.

Breytingar sem samþykktar hafa verið eru grænmerktar.
Það sem samþykkt hefur verið að falli út er ~~yfirstrikað~~.

REGLUGERÐ KSÍ um aðgönguskírteini

1.gr. *Gerðir skírteina*

1.1. Knattspyrnusamband Íslands gefur út eftirfarandi aðgönguskírteini, sem heimila ókeypis aðgang að knattspyrnuleikjum sem hér segir:

Aðgönguskírteini A, sem gildir á alla leiki í mótum á vegum KSÍ og landsleiki KSÍ innanlands.

Aðgönguskírteini DE, sem gildir á alla leiki í mótum á vegum KSÍ og landsleiki KSÍ innanlands.

Aðgönguskírteini ~~PDED~~, sem gildir á leiki í ~~Pepsi Max~~ efstu deild karla.

Aðgönguskírteini 1D, sem gildir á leiki í 1. deild karla.

Aðgönguskírteini 2D, sem gildir á leiki í 2. deild karla.

Aðgönguskírteini 3D, sem gildir á leiki í 3. deild karla

Aðgönguskírteini KV, sem gildir á leiki í ~~Pepsi Max~~ efstu deild kvenna.

Aðgönguskírteini 1KV, sem gildir á leiki í 1. deild kvenna.

Aðgönguskírteini F, sem gildir á alla leiki aðra en landsleiki

Greinargerð/Samantekt:

Í ljósi þess að efstu deildir karla og kvenna bera ekki lengur heitið Pepsi Max deildin er með breytingunni eldra heiti deildanna felld út og ákvæði 1.1. breytt þannig að vísað sé til umræddra deila sem „efstu deilda“.

Ef frekari upplýsinga er óskað þá vinsamlegast hafið samband við undirritaða.

Kolbrún Arnardóttir

Kolbrún Arnardóttir,
lögfræðingur hjá KSÍ